

BOSNA I HERCEGOVINA  
FEDERACIJA BOSNE I HERCEGOVINE  
GRAD ZENICA  
Služba za privredu i finansije

Na osnovu Informacije o stanju u oblasti poljoprivrede u 2016. godini i Programa mjera za unapređenje poljoprivrede u 2017.godini na području Grada Zenica i Uputstva o korištenju sredstava za unapređenje poljoprivrede u 2017.godini na području Grada Zenica Služba za privredu i finansije objavljuje

JAVNI POZIV  
za podnošenje zahtjeva za odobravanje i dodjelu podsticajnih sredstava za proširenje proizvodnje u oblasti poljoprivrede

Pozivaju se poljoprivredni proizvođači sa područja Grada Zenice koji su registrovali srodnu djelatnost- obrt u poljoprivredi i kojima je to osnovna djelatnost, da podnesu zahtjev za odobravanje i dodjelu podsticajnih sredstava za proširenje proizvodnje u oblasti poljoprivrede.

Podnosioci zahtjeva moraju biti upisani u Registar poljoprivrednih gazdinstava i Registar klijenata i posjedovati minimalno jednu od dole navedenih vrsta životinja ili se bave jednom od dole navedenih proizvodnji.

- minimalno 2 muzne krave,
- minimalno 5 grla tovnih junadi,
- minimalno 50 ovaca,
- minimalno 25 koza,
- minimalno 5000 tovnih pilića,
- minimalno 1000 koka nosilica
- minimalno 5 rasplodnih krmača,
- minimalno 30 tovnih prasadi,
- minimalno 30 pčelinjih društava,
- minimalno 200m<sup>2</sup> plastenika ili staklenika,
- minimalno 2 dunuma pod jagodičastim voćem,
- minimalno 3 dunuma intenzivnih zasada visokostablašica (jabučasto, koštičavo i jezgrasto voće).

Služba za privredu i finansije će službeno u sistemu RPG i RK provjeriti upis u registar za podnosiocje zahtjeva , a posjedovanje propisanih minimalnih uslova će ustanoviti komisija za kontrolu podsticaja u poljoprivredi.

Podsticajna novčana sredstva po korisniku iznose do 3.000,00 KM , a ista se mogu utrošiti za nabavku životinja, plastenika i sadnog materijala u oblasti voćarstva. Odabrani korisnici će potpisati Ugovor sa Gradom u kojem će biti regulisana međusobna prava i obaveze. Korisnik podsticajnih sredstava je dužan dodjeljena novčana sredstva namjenski utrošiti i registrovanu djelatnost održavati minimalno 24 mjeseca nakon potpisivanja Ugovora.

Potrebna dokumentacija za ostvarivanje podsticaja:

- Zahtjev za ostvarivanje prava na podsticaje za proširenje proizvodnje u oblasti poljoprivrede
- Ovjerena kopija Rješenja o registraciji djelatnosti-poljoprivreda (osnovna djelatnost)
- Uvjerenje da lice nema neizmirenih obaveza po osnovu poreza i doprinosa,
- Ovjerena izjava podnosioca zahtjeva da će odobrena novčana sredstva namjenski utrošiti i registrovanu djelatnost održavati minimalno 24 mjeseca,
- Predračun o nabavci (kupovini)
- Obavještenje o razvrstavanju djelatnosti prema Klasifikaciji djelatnosti (izdato od strane Federalnog zavoda za statistiku-Kantonalni ured Zenica
- Potvrda o otvorenom aktivnom računu

Rok za podnošenje zahtjeva je 20.12.2017.godine.

Zainteresovani mogu preuzeti obrazac zahtjeva i izjave na info pultu Grada Zenica, te uz neophodnu dokumentaciju istu predati na Protokol do navedenog roka. Nepotpuni i neblagovremeni zahtjevi se neće uzeti u razmatranje.

Napomena: Korisnik ovih podsticajnih sredstava ne može biti i korisnik podsticajnih sredstava za refundaciju troškova po osnovu obaveznih doprinosa (PIO, zdravstveno osiguranje i osiguranje od nezaposlenosti) Grada Zenica.